

REGLUGERÐ

fyrir Vatnsveitu Stykkishólms.

1. gr.

Vatnsveita Stykkishólms er eign Stykkishólmshrepps. Heimili hennar og varnarþing er í Stykkishólmi.

2. gr.

Hreppsnefnd Stykkishólmshrepps fer með yfirstjórn vatnsveitunnar og ber ábyrgð á skuldbindingum hennar. Hreppsnefnd og sveitarstjóri annast daglegan rekstur og framkvæmdir vatnsveitunnar, en heimilt er að ráða sérstakan vatnsveitu stjóra eða umsjónarmann til að sjá um eftirlit eða framkvæmdir við vatnsveituna, ef þess gerist þörf.

3. gr.

Reikningsár vatnsveitunnar er almanaksárið, en skrifstofa hreppsins annast allt reikningshald. Reikningarnir skulu endurskoðaðir á sama hátt og reikningar sveitar-sjóðs og fylgja þeim ár hvert.

4. gr.

Stykkishólmshreppur hefur einkarétt til reksturs vatnsveitu og sölu vatns á því svæði, sem vatnsveitan nær yfir og hún getur fullnægt, svo og til hafnarinnar í Stykkishólmi.

5. gr.

Hreppsnefnd lætur leggja vatnsæðar svo víða um kauptúnið, sem þörf krefur og fært þykir, svo húseigendur eigi aðgang að þeim við veg, götu eða opin svæði, sem hús þeirra liggja að.

6. gr.

Allar vatnsæðar frá dreifikerfi vatnsveitunnar, að húsi og í því, eru eign húseiganda og ber hann kostnað af lagningu þeirra og viðhaldi. Vatnsveitan getur ákveðið að heimæðar eða hluti þeirra skuli lagðar af starfsmönnum vatnsveitunnar, en á kostnað húseiganda.

7. gr.

Hver sá, er óskar að fá vatnsæð tengda húsi sínu, gera endurbætur eða breytingar á eldri lögnum, skal sækja um það til hreppsnefndar og gera grein fyrir áætlaðri vatnspörf og til hvers vatnið skuli notað. Vatnsveitan sér um tengingu frá vatnsveituæð gegn sérstöku tengigjaldi.

Allar lagnir skulu lagðar undir eftirliti starfsmanna vatnsveitunnar og ber húseiganda að fara í öllu eftir fyrirmælum þeirra að því er snertir efni og frágang.

8. gr.

Hverjum húseiganda og notanda er skylt að halda vatnsæðum sínum vel við og láta tafarlaust gera við þær ef leki kemur að þeim. Skal þess sérstaklega gætt að ekki frjósi í leiðslunum. Ef eldri vatnsæðar liggja svo grunnt í jörðu, að hætta sé á, að í þeim frjósi, ber húseiganda að láta bæta úr því á þann hátt, sem starfsmenn vatnsveitunnar telja fullnægjandi.

Enginn má eyða vatni að óþörfu.

EKKI MÁ TENGJA DÆLUR EÐA AFLYCLAR Í SAMBAND VIÐ VATNSVEITUNA NÉ TENGJA SAMAN AÐRAR VATNSVEITUNNAR OG ÖNNUR VEITUKERFI, T. D. SJÓVEITUR, NEMA MEÐ SÉRSTÖKU LEYFI HREPPSNEFNÐAR.

9. gr.

Starfsmönnum vatnsveitunnar er heimilt að fara um hús manna og lóðir, þar sem vatnsæðar liggja, til þess að athuga þær og tæki þau, sem sett eru í samband við vatnsveituna. Ef þeim þykir umbúnaði í einhverju ábótavatn, skal húseiganda skylt að bæta úr því tafarlaust. Ella getur vatnsveitan látið vinna verkið á kostnað eiganda.

10. gr.

Hreppsnefnd er heimilt að loka vatnsæðum fyrir þeim, sem vanrækja að láta gera við bilanir á vatnsæðum eða tækjum, sem við þær eru tengd, eyða vatni að óþörfu eða greiða ekki vatnsskatt á réttum gjalddaga. Vatnsskatt ber að greiða að fullu, þótt lokað sé fyrir vatnið af þessum ástæðum.

11. gr.

Vatnsveitan hefur rétt til að takmarka vatnsnotkun, ef skortur er á vatni eða loka fyrir vatnið vegna hreinsunar eða framkvæmda við vatnsveituna. Ef eldsvoða ber að höndum hafa slökkvilið, lögregla og starfsmenn vatnsveitunnar heimild til að gera hverjar þær ráðstafanir, sem nauðsynlegar teljast, hvort sem er á vatnsæðum, vatnsveitunnar eða í einkaeign. Óheimilt er öðrum en slökkviliði, lögreglu og starfsmönnum að taka vatn úr brunahönum vatnsveitunnar nema með sérstöku leyfi.

12. gr.

Vatnsveitan ber ekki fjárhagslega ábyrgð á tjóni, sem leiða kann af reksturs-
truflunum, er verða vegna vinnu við æðar vatnsveitunnar, takmörkun á vatns-
notkun eða af öðrum ástæðum.

13. gr.

Til þess að standa straum af kostnaði við vatnsveituna skal árlega greiða vatnsskatt af öllum húsum, sem standa við vegi eða opin svæði og vatn er lagt í. Vatnsskattinn skal miða við fasteignamatsvirðingu og ákveður hreppsnefndin vatnsskattinn.

14. gr.

Hreppsnefndin getur ákveðið að setja upp vatnsmæla hjá þeim fyrirtækjum og einstaklingum, sem nota mikið vatn, t. d. frystihús, vinnslustöðvar, iðjuver o. fl. og selja vatn eftir mælingu, eða ákveða að allt vatn skuli selt eftir mælingu. Skal þá vatnsveitan sjá um uppsetningu mælanna og kosta eðlilegt viðhald þeirra, en skemmdir af mannavöldum eða frostum ber húseiganda að bæta. Ef mælingu verður eigi við komið má ákveða sérstakt gjald fyrir hverja framleiðslu- eða vinnslu-
einingu.

15. gr.

Vatnsskattur skal vera 7,5% — sjö og hálfur af húsundi — af fasteignamat-
sverði húsa. Lágmarksgjald af hverju íbúðarhúsi eða hverri einstakri íbúð skal vera kr. 3 000.00. Af öðrum húsum en íbúðarhúsum skal lágmarksgjald vera kr. 6 000.00. Af bílaþvottaplönnum greiðist aukaskattur kr. 10 000.00.

16. gr.

Ef vatn er selt eftir mæli skal greiða kr. 6.00 fyrir hvern m³. Auk þess skal leiga fyrir hvern mæli vera kr. 500.00 á ári. Gjalddagar samkvæmt þessari grein skulu vera fjórir: 31. mars, 30. júní, 30. sept., 31. des.

17. gr.

Fyrir vatn í skip í höfninni greiðist kr. 50.00 fyrir hvern m³ og auk þess af-
greiðslugjald kr. 250.00 að degi en kr. 500.00 að nóttu. Gjaldið greiðist við móttöku.

18. gr.

Fyrir önnur vatnsnot en þau, sem að framan eru talin, og ef mælingu verður eigi komið við, skal greiða gjald, sem hreppsnefnd ákveður.

19. gr.

Í stofngjald (tengigjald) skal greiða kr. 25.00 fyrir hvern rúmmetra húsa að 2000 m³ síðan kr. 5 00 fyrir rúmmetra.

20. gr.

Gjöld samkvæmt reglugerð þessari miðast við byggingarvísitölu 1455 stig og breytast með henni. Hækkun eða lækkun má þó ekki vera meiri en 50% án samþykkis ráðuneytis.

21. gr.

Gjalddagi vatnsskatts er 15. janúar og 15. júní ár hvert, nema annað sé sérstaklega tekið fram.

22. gr.

Öll gjöld samkvæmt reglugerð þessari má taka lögtaki og eru þau tryggð með lögveði í viðkomandi eign næstu tvö ár eftir gjalddaga og ganga þau fyrir hvers konar samnings- og aðfararveði.

23. gr.

Brot á reglugerð þessari varðar sektum allt að kr. 20 000.00 nema þyngri refsing liggji við að lögum. Sektin rennur í sveitarsjóð.

Ef einhver veldur skemmdum á vatnsveitunni skal hann bæta þær eftir mati tveggja óvilhallra manna.

Mál út af brotum á reglugerð þessari skal fara með að hætti opinberra mála.

Reglugerð þessi, sem hreppsnefnd Stykkishólsmshrepps hefur samið og samþykkt, staðfestist hér með samkvæmt vatnalögum nr. 15 20. júní 1923 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá fyrir vatnsveitu Stykkishólms nr. 143/1970.

Félagsmálaráðuneytið, 14. febrúar 1975.

F. h. r.

Hallgrímur Dalberg.

Guðmundur Karl Jónsson.

G J A L D S K R Á

fyrir Rafveitu Akureyrar.

I. RAFORKA

Rafveita Akureyrar selur raforku á þann hátt og við því verði, sem hér segir:

A. Lýsing.

1. Kr. 36.66 hver kwst. til lýsingar.
2. Kr. 10.40 hver kwst. til lýsingar auk fastagjalds, er nemi kr. 5 303.00 á ári fyrir 25 m² gólfplöt, eða minna af gólfleti af rúmi því, er lýsa skal, og kr. 157.00 fyrir hvern ferm. umfram 25 m².